

**ՀԱՅ-ՊԱՐՍԿԱԿԱՆ ՀԱՐԱՔԵՐՈՒԹՅՈՒՆՆԵՐԻ
ՊԱՏՄԱՔԱՆԱՍԻՐԱԿԱՆ ՄԱՍՆԱԿԻ
ՀԻՇԱՏԱԿՈՒՄՆԵՐԻ ԸՍՏ Հ. ԱՃԱՌՅԱՆԻ
«ՀԱՅՈՑ ԱՆՉՆԱՆՈՒՆՆԵՐԻ ԲԱՌԱՐԱՆԻ»**

Ա. Ե. ՄԻՔԱՅԵԼՅԱՆ

Անգնահատելիորեն մեծ է մեծ լեզվաբան (իսկ ավելի ճիշտ՝ հանրագիտարանային մտքի տեր գիտնական) Հրաչյա Աճառյանի դերը հայրենի լեզվաբանության, բանասիրության, գրականագիտության, բանագիտության զարգացման գործում: Նրա բազմահատոր զննարկական աշխատություններից յուրաքանչյուրը, անշուշտ, մի նվաճում է եւ մեծագույն ծառայության հերթական անուրանալի վկա:

Մեր պատմության մասին խոսելիս դժվար է հրաժարվել «արյունոտ» բառից: Անվերջանալի ռազմական բախումներին հետեւել են քաղաքն ու գերեզմանությունը, զանազանումն ու կախաղանը, կրոնական զգրելի մոլեռնությունը, որոնք հայ ժողովրդի համար բաշտորոշ էին: Դրանցից էին 5-րդ դարի իրադարձությունները, որոնք պարսից ռոմանություններին ընդդիմանալու հիմնալի ապացույցներ են: Ավարայրի դաշտում սրբացած Վարդան Մամիկոնյանի մասին խոսելուց առաջ՝ Աճառյանը հիշում է, որ այս անձնանունը մեկ է անցել իրանական «Vardan» անունից: Հետո գրում է, որ Վարդան Մամիկոնյանը կոչվել է «Մեծն», «Զաջն», «Վարմիրն»: Նա ծնվել է 388-ին, Համազասպ Մամիկոնյանի որդին է եւ Ս. Սահակի թոռը: Հիշարժան է, որ Վ. Մամիկոնյանը 417 թ. Ս. Մեսրոպի հետ գնացել է Կոստանդնուպոլիս եւ ստացել «ատրատելաու» տիտղոսը: Գլխավորել է ուխտապահների կուսակցությունը եւ այլ նախարարների հետ կանչվել Հազկերտի Դուռը: Մեր նախարարները, ինչպես հայտնի է, ստիպված են եղել «առերես ուրանալ» հավատքը: Ազատ արձակվելուց հետո նրանք նախապատրաստեցին Ավարայրի ճակատամարտը (451 թ. մայիսի 26):

Հայ եկեղեցին սրբացրել է Վարդանին եւ նրա անվանն է անվանել Ներսես Շնորհալու հայտնի «Նորահռաշ» շարականը, որից ներկայացվում է հետեւյալ քառատողը.

«Նորահռաշ» պատկեր է գործողութիւն առաքինաց,
Վառեցար զհնու հոգւոյն արիաբար ընդդէմ մահու.
Վարդապ, քաջ նահատակ, որ վանեցեր զքչնամին,
Վարդագոյն արեամբք քո պսակեցեր զեկեղեցին»:

Ըստ Նիկողայոս Մանիկի կա վրացերեն գրված «Ալայաբանություն Վարդանի, նրա եղբայր Հմայեկի, Վահանի, Սահակի եւ 137 վկաների», որը հավանաբար, քարգմանված է Եղիշեից:

Քաջն Վարդանն իր օգնականների հետ ձերբակալեց Վնդո մարզպանին եւ նրա որդի Շերոյին: Վնդոն դավաճան Շավասպի հետ Դվինում մի ատրուշան էր կատուցել եւ որդուն կարգել քրմակետ: Ծիշալ է՝ նրանց հետ դատաստանը բախակալ դաժան էր (հորը ողջակիզեցին, որդուն՝ կախեցին Դվինում), բայց չմոռանա՞նք, որ 450 թվականն էր՝ կենաց ու մահու կռվի նախորդ տարին: Ի թիվս այլ քաջագործությունների՝ Մերուխտի բանակի ջարդն է Վարդանի կողմից:

Այսպես՝ հայ հոգեւորականի՝ որպես քրիստոնեական հավատքի ցմբիլալի լիակատար մարմնացումն է Ղեկունյանց խումբը: Ընդ որում, նման հերոսական նահատակության արժանանալն էլ բոլորովին պատահական չէր:

Ղեկունյանցը Ս. Սահակի անմիջական հաջորդներն էին, այն Սահակի, որին կաթողիկոս տեսնելու ձգտումը հայ իշխանին (Վաչե Արծրունուն) 432-ին հասցրեց պարսից Վոսթ քաղաքի մոտ (վճռական պահերին աշխարհիկ տերերը բարձր են պահում հոգեւոր հովիվին):

Պատահական չէր, որ այս խմբում էր Մաշտոցի աշակերտ Հովսեփը, որն էլ, ի թիվս այլոց, մարտիրոսվեց Ապար աշխարհում՝ կրելով անմարդկային տանջանքներ: Այդ խմբում էր Սահակի աշակերտ Քաջաջ Ռշտունին: Արարոմիզդ մարզպանը նրան եւս մույն ճակատագրին արժանացրեց, եթե հավատափոխ չի լինում, ապա ոչնչացնել:

Հայտնի է, որ հայ իշխաններից ոմանք հետ են վերադարձել Պարսկաստանից: Օրինակ՝ Քաջ Վարդանի թոռները՝ Ներսես, Մաքիակ եւ Հրահատ Կամսարականները: Նրանց հայրը՝ Արշավիր Կամսարականը, բանտարկվել է 452-ին: Հետո մնացել է Վահան Մամիկոնյանի ապստամբությանը:

Տմանելու տարվա բանտարկությունից հետո հայրենիք վերադարձավ նաեւ Վրեն Տաշրացին: Վարդանանց պատերազմում դավաճան հռչակվեց Վասակ Մյունին: Նա դավադրաբար սպանել էր ավելի հորեղբորը՝ Վաղինակին, եւ ինքն էր դարձել Մյունյաց նախարար: 440-ին պարսից կողմից նշանակվել է Վրաստանի, իսկ 441-ին՝ Հայաստանի մարզպան: Ավարայրի ճակատամարտում դավաճան հռչակվելուն ավելացավ պարսից տերության դեմ մեղավոր գտնվելու փաստը՝ ճակատամարտից հետո: Արդյունքում՝ Վասակը մեղնում է բանտում... Իսկ մինչ այդ նա պատրաստ էր ոչ միայն զինաթափվելու եւ զինաթափելու յուրայիններին, այլեւ խանգարելու հայերին ուղղված ռազմական օգնությունը: Պարսկական սահմանի վրա հայոց հունական բանակի սպարապետը Վասակ Մամիկոնյանն էր (եւս մեկ «վասակ»): Հինգերորդ դարի պատմիչ Եղիշեն վկայում է, որ

վերջինիս դիմել է Վասակ Մյունին, որպեսզի նա հեռու պահի հույներին՝ հայերին օգնելու խնդրից: Վասակի կողմնակիցներից էր Սահակ Չայնող Մյունեցին. նա հավատափոխության օրինակ ծառայեց:

Մեկ դար առաջ Հայաստանում մեծ հռչակ էր վայելում Վամակ Մամիկոնյանը՝ Տիրան Բ եւ Արշակ Բ թագավորների զորավարը: Նա պարսիկների դեմ եղել է քսանութ անգամ եւ քսանութ անգամն էլ վերադարձել է հաղթանակով: Բազմիցս պարտվողը պետք է որ վրեժ պահեր. Վասակը 368 թ. Պարսկաստանում մորթագերծ է արվում: Խոտով լցված նրա պաճուճապատանքը ամենախոր կերպով ընկճեց Արշակին:

Խառնակ ժամանակներում ծնվում են դավաճաններ, փառամուլներ: Սուրմակ երեք՝ Արծկեացին (որին Հ. Աճառյանը հիշում է «փառամուլ» մակդիրով) միանում է նախարարներին, որոնք համառոտեցն չարախոսում էին պարսից թագավորի առաջ երկու նպատակով. զահրնկեց անել Արտաշես Գ-ին եւ Սահակ կաթողիկոսին: Սահակի փոխարեն կաթողիկոսական աթոռին նստեց Սուրմակը: Բայց, հայ նախարարների հալածանքին արժանալով, մեկ տարի հետո դարձավ ընդամենը Բզունյաց եպիսկոպոս: Փառքի մղումով՝ կաթողիկոսական պատվին արժանացավ մեկ անգամ եւս՝ Ծմուռի մահից հետո (437 թ.): Սահակը էլ 443 թ.:

Հ. Աճառյանը նշում է հայ-պարսկական հարաբերությունների թշնամական բնույթը: Ծակատագրի կամքով դարավոր հարեւանները երկարատև պատերազմներ են մղել միմյանց դեմ: Հայերը հիմնականում պաշտոնյանվորի դերում էին: Վաչե նահապետ Մամիկոնյանը (IV դարի առաջին կես), որ Խոսրով Բ թագավորի հրամանով ջնջեց Մանավազյան եւ Որդունյան ցեղերը, հաղթականորեն վանում էր պարսից ռազմական արշավանքները: Դրանցից մեկում էլ սպանվեց նա:

Բացելիքաց թշնամությանը խառնվում էր գաղտնի նենգությունը: Պարսից հերթական հարձակումից Պոլիս է վախճում Տիրան Բ-ն (339-350), որ եւ օգնություն է ստանում: Շապուհն իր հավատարիմների միջոցով բռնում է նրան եւ կոտրացնում: Ամորալի է, սակայն, որ հայրասպանի անուն է վաստակում Արշակ Բ-ն. գծավելով հոր հետ՝ նա խեղդել է տալիս կույր ծերունուն:

Վահան Ամատունին (Տրդատի զորավարը) մեծ համբավ ձեռք բերեց Շապուհի եւ ընդհանրապես արտաքին թշնամիների դեմ մղած պատերազմներում:

Խոսրով Բ-ի ժամանակ նշանակվել էր արեւելյան բանակի զորավար: Կովկասյան բարբարոսներին վանելու համար պարգև էր ստացել Օշականը: Ընդ որում, Փալսաուս Բուզանդը նրան համարում է Խոսրով Բ-ի սպարապետ Վաչեի միզակակիցը:

Պատմության էջերում հավերժացել է նաեւ մեկ այլ Վահան Ամատունի՝ Հայոց աշխարհի սպարապետը, որն իր սեփական Օշական գյուղում է քաղել Մ. Մաշտոցի մարմինը: Նա մասնակցել է Արտաշատի ժողովին (449 թ.): Դեմոնալուս պարսիկը պաշտոնանկ արեց նրան:

Ահա եւ շվիություն տեղիք տվող երրորդ Վահան Ամատունին: Նա մույնպես մասնակցել է հիշյալ ժողովին, կանչվել է Հազկերտի մոտ եւ առերես ուրացել քրիստոնեությունը: Պարսիկների դեմ օգնություն խնդրելու համար մեկնել է Հունաստան:

Ավարայրի ճակատամարտի մասնակից է: Տասներկու տարի բանտարկվելուց հետո վերադարձել է Հայաստան (462 թ.):

Պարսկամետ կողմնորոշում ուներ Վահան Մամիկոնյանը, որը միացել էր Մերուխան Արծրունու հետ եւ ապստամբել Արշակ Բ-ի դեմ: Նա բարեկամական կապեր հաստատեց պարսից թագավորի հետ եւ պարսկական զորքով հարձակվեց Հայաստանի վրա: Որդին՝ Մամվելը, կանգնեցրեց դավաճան հորը...

Իր հորեղբոր լուսե պսակը պիտի կրեր նաեւ Վաղդանի եղբորդին՝ Վահան Մամիկոնյանը: Նա պատանդ տարվեց Պարսկաստան: Անխուսափելի կործանումից նրան փրկեց վրաց Աշուշա բղեշխը: Հայրենիք վերադառնալով՝ Վահանն ապստամբության դրոշ բարձրացրեց Պարսկաստանի դեմ (485 թ.): Պարսից լուծը վանելու փորձերը շարունակաբար կրկնվել են: Այս անգամ պարսից Խոսրով թագավորի դեմ ապստամբել էր Վարդան Բ Մամիկոնյանը՝ սպանելով դրածո մարզպան Սուրենին: Նրան օգնության ձեռք մեկնեց հունաց Հուսաինյանոս կայսրը, եւ պարսիկները հալածվեցին Հայաստանից (571 թ.):

Հունաց Մորիկ կայսր (582-602) ջերմ վերաբերմունքին է արժանացել Մուշեղ Մամիկոնյանը, որը նշանակվել էր հունահայոց դուքս: 584 թ. նա պատերազմվել է պարսից բանակի դեմ: Մորիկի հրամանով դերերը պետք է փոխվեին. այժմ Մուշեղը պետք է օգներ պարսից Խոսրով արքային՝ ընդդեմ ապստամբ Վահրամ Չորի-նի: Ծավալվում է հետաքրքիր պատմություն:

Այս Վահրամը միամիտ մեկը չէր: Նա խոստանում է Հայաստանը անկախ թագավորություն հռչակել, եթե Մուշեղն օգներ իրեն: Մուշեղը մերժում է՝ Պարսկում է Վահրամ Չորինը, սակայն հայ ռազմիկի հաջողությունը շարժում է պարսիկ նախարարների նախաձեռն. նրանք չարախոսում են Խոսրովի մոտ, իբր թե Մուշեղը բռնել է Վահրամին, բայց ազատ է արձակել՝ այն էլ ձի եւ զենք տալով: Խոսրովը հավաստ է ընծայում նախարարների խոսքին եւ սուրիանդակ է ուղարկում Մուշեղի հետևից: Երբ սուրիանդակը հրավեր է կարդում, Մուշեղը կարծում է, թե թագավորին մորից փախել է սպանում: Նա իր հետ վերցնում է երկու հազար զինվոր եւ շարժվում արքայի մոտ: Պարսից զորքը կանգնեցում է նրան, բայց Մուշեղին հաջողվում է՝ ճանապարհը շարունակել ինքնուրույն: Հայ մարտիկի հավատարմության (բայց ու՞մ) ցույցը մեծ հոգս պատճառեց նրան: Մինչ բարապանները պահանջում էին հանել զենքերը եւ այնպես ներկայանալ արքային, Մուշեղն սկսում է կասկածել: Ձիված յոթ մարդկանցով նա մտնում է թագավորի մոտ: Խոսրովը շվիոթվում է, կարկամում է... Իսկ Մուշեղը դուքս է գալիս եւ հետանում...

Հնարամիտ քայլ է. գերի վերցնել արքայի քիկնապահներից մեկին եւ ստիպել ասել ողջ ճշմարտությունը: Այդպես էլ վարվում է Մուշեղը: Ապերախտ արքան զորք է ուղարկում Մուշեղի հետևից: Ի վերջո, հունական բանակի օգնությամբ Մուշեղը հաղթում է: Այնուհետև նա մնում է հունաց պալատում:

Հ. Աճառյանը հիշեցնում է, որ Մուշեղի մասին խոսում է Ֆիրդուսին, բայց՝ բավականին ստորացուցիչ կերպով:

Մանրակրկիտ ուսումնասիրությունից հետո Աճառյանը եկել է այն ազդակացության, որ մեր պատմիչներին ծանոթ չէ Մանվել Մամիկոնյանը, որն սպանվել է պարսից Մուրեն մարզպանի ձեռքով: Այս Մանվելի եղբայրն էր Վարդանը Մամիկոնյանը Միքայել Չանչյանին հայտնի է հույն պատմիչ Թեոփանես Բուզանդացուց:

Պարսից տեղության դեմ ունեցած իր հաջողություններով այժմ էին ընկնում Մամիկոնյանները: Ահա եւ նրանցից մեկը՝ Գայլ Վահանը: Տարոնի իշխանը խաբեությամբ կոտորեց պարսից Միհրան գորավարի բանակը: Նրա որդին՝ Մմբատը, պարսից դեմ պատերազմել է Վահան Պալունու, Պալունյաց Վարազ իշխանի հետ:

Այդ պատերազմների ընթացքում՝ Կառուցվում է Վահանառավիտը: Գայլ Վահանի թոռը՝ Վահանը, հոր անմիջական գործակիցն էր: Այս քաջի եղբայրը՝ Տիրանը, դավաճանության զոհ է դարձել արաբական արշավանքի ժամանակ (639):

Հ. Աճառյանի կողմից անհիշատակելի չեն մնում բարիորդացիական հարաբերությունները: Այսպես, Պարսկաստանն է հրավիրել եւ հետագայում ծառայության անցել Մամակ Մամիկոնյանը (փաստը հաստատում է Մեքենոսը):

Հետաքրքրաշարժ դիտարկումների շղարձակ հայելին ուղղվում է դեպի պարսից դիցաբանություն, եւ բանասեր գիտնականը հատուկ բացատրություններ է տալիս՝ կապված Զալ, Զաեն, Զոհրաբ, Եսթեր անունների հետ:

Հ. Աճառյանը խոսում է Դանիշմանների հարստության ծագման եւ վախճանի մասին: Հիրավի, հետաքրքիր է ու հստակ նշումի արժանի այն փաստը, որ Դանիշմանը հայ իշխան է, «նախկին ուսուցիչ», որ Պարսկաստանում ընդունել է մահմեդականություն եւ Ալիաթանի կողմից նշանակվել է Սեբաստիայի ու շրջակայքի ամիրա: Իսկ «դանիշման» (նշանակում է «գիտնական») բառը դարձել է տիտղոս: Հիշյալ դեպքը տեղի է ունեցել 1071 թ., երբ ասպարեզ է իջել Դանիշմանների հարստությունը: Այն գոյատևել է մինչև 1202 թ., ճիշտ այն ժամանակ, երբ Սեբաստիան ենթարկվեց Կեսարիային:

Պարսկական ազնվականական տոհմ է Միհրանը: Եղել է համանուն գորավար, որն արշավել է Գայլ Վահանի դեմ: Իսկ հայոց Արշակունի հարստության հիմնադիրն է Վաղարշակ Ա-ն՝ Արշակ Պարթևի եղբայրը:

Իններորդ դարում հայ իշխանության հետ անմիջականորեն կապված եղել պարսիկ Սեւադա իշխանը: Նա ամուսնացել էր իշխանուհի Արուսյակ Բագրատունու հետ: Սեւադան հայերի օգնությամբ է գլուխ բարձրացրել արաբների դեմ:

Այստեղ առաջին անգամ տպագրվել է «Հարանց վանքը» (1641 թ.):

Համանուն մի քահանա (Խիզանցի, 17-րդ դար) ներկայացրել է շահ Աբասի գործերը եւ Սպահանի հայերի կրոնական ազատության հարցը: Խաչատուր Դավրիժեցին (16-րդ դար) պարսկերենից խոսելներն է թարգմանել մի վիպասանություն՝ «Ուղեւորութիւն երից ողոց արքային Սերենդիպադայ» վերնագրով:

Հ. Աճառյանը հիշատակում է պարսիկ բանաստեղծ Բաբա Թահիրին, վիպասան, փիլիսոփա Զաքարիա քահանա Շեքիրմանյանին (Նոր Զուղայից է): Վերջինիս կապակցությամբ հարկ է համարել ցույց տալ, որ մեր հայրենակիցը նշանակվոր դեմք է խոսակցական գրականության մեջ: Նա ունի ստեղծագործությունների քառահատոր ժողովածու: Վիպասանը ծաղրում է գիտության կեղծ ծառաներին, բժիշկներին: «Զննադատները համարում են գերազանց, բան խոսակցական բոլոր փիլիսոփայական վեպերը եւ նախատիպ Մուխիֆաի «Գուլիվերի ճամփորդության», վկայում է Աճառյանը Շեքիրմանյանի «ճամփորդութիւն Ենրիկոյ Վանտոնի ի քաղաքութիւնս կապկաց եւ շնագլխաց»-ի մասին:

Չմոռանալով, որ Զաքարիա Շեքիրմանյանը անուն-ազգանունով մեկ այլ անհատ, որ Պարսկաստանի հայ վաճառականության ներկայացուցիչն էր, 1606 թ. ռուսական Ալեքսի կույսերը նվիրեց քաղաքական գահ, «որի վրա հեռված էին 2100 ընդիր ակունք եւ 3 շարք մարգարիտ»²: Այժմ այդ գահը՝ «Ալմաստե գահ» անունով, գտնվում է Մոսկվայի զինապալատում եւ համարվում է ռուսական ցարերի գահերից ամենաթանկագինը: Ի դեպ, գահը մեծ նշանակություն է ունեցել իր ժամանակի հայ առևտրականների կյանքում. նրանք (այդ նվիրատվությունից հետո) Ռուսաստանում առևտուր էին անում՝ պտանց մաքս մուծելու:

Հ. Աճառյանի ուսումնասիրությունները արժեքավոր տվյալներ են հաղորդում այլ ժողովուրդների պատմության մասին եւս:

Ուշագրավ է մի իրողություն: Մեծ գիտնականը մեր եւ այլազգի պատմիչների փաստերը ճշգրտելուց հետո բառարանային հոդվածն այնպես է կազմում, որ ստացվում են գրական կերպարներ հայոց քաղաքական, իշխանների, հոգեւոր գործիչների, ինչպես նաեւ այլազգի, տվյալ դեպքում պարսից գահակալների, գորավարների, պաշտոնյաների:

Հ. Աճառյանի արձանագրած վերոնշյալ պատմագիտական փաստերը որոշակի նպաստ են բերել հայ գրական անդաստանի մշակների՝ Բաֆթու, Դ. Դերմիրճյանի, Ստ. Զորյանի, Պ. Զեյթունցյանի, Խեչոյանի եւ այլոց՝ համար՝ անհրաժեշտ վերականգնելու ճշգրտելու եւ պատմավիպասանության ժանրում իրենց ավանդը ներդնելու գործում:

ՄԱՐԴ - ՔԱՂԱՔԱԿՐԹՈՒԹՅԱՆ ՀԱՅԵՑԱԿԱՐԳԸ 19-ՐԴ ԴԱՐԻ ՀԱՅ ՓԻԼԻՍՈՓԱՅՈՒԹՅԱՆ ՄԵՉ

Ս. Ա. ՄԱՐԿՍՅԱՆ

19-րդ դարի հայ մշակույթը, այդ թվում տեսական, փիլիսոփայական միտքը, զարգացավ իր երակետում ունենալով սեփական էքզոպատմամշակութային համակարգի ներքին պահանջները՝ ազգն ու ազգայինը, հայի ու հայկականի առաջնայնությունը: Մյուս կողմնորոշվածությամբ ու հիմնական նպատակով է ընկալվում ու արժեքավորվում նաեւ եվրոպական լուսավորությունը, բուժական հարաբերությունների շնորհիվ ձեւավորված քաղաքակրթական նոր իրողությունները, զարգացման դրական ու բացասական միտումները:

Մարդու ու մարդկայինի հիմնախնդիրը ձեռք է բերում առաջնակարգ նշանակություն, քանզի այն հնարավորություն է տալիս առաջադրելու ու ուսումնասիրելու նաեւ հայ մարդու ու ազգի հետ առնչվող ամենատարբեր հարցեր: Այս առումով առանձնանում է նաեւ մարդ - քաղաքակրթություն փոխհարաբերության բնույթի պարզաբանման հարցը: Առանցքային է դառնում հատկապես այն, թե եվրոպական քաղաքակրթության հետ հնարավոր շփումները (տեսական, մշակութային, գաղափարական եւ այլն) ինչ հետեւանքներ կարող են ունենալ ազգային կյանքի ու հայ մարդու գոյության ու ինքնության, անհատական որակների պահպանման, դրանց զարգացման համար: Այս հիմնախնդիրը հայ տեսական մտքի մեջ իր անդրադարձն է ստանում 19-րդ դարի առաջին կեսից սկսած (Աբովյան, Զորայան, Նազարյան, Նալբանդյան, Սվաճյան եւ ուրիշներ), բայց առավել սրությամբ ու ուղղակիորեն առաջադրվում է հատկապես դարի երկրորդ կեսին (Մ. Մամուրյան, Գ. Արծրունի, Ռ. Պերպերյան, Ե. Տեմիրճիպաշյան, Ստ. Պալասանյան եւ ուրիշներ):

Որքան մեզ հայտնի է, 19-րդ դարի հայ գրավոր մշակույթում առաջին անգամ շրջանառության մեջ դրվում է «քաղաքակրթություն» հասկացությունը: Եվրոպական ավանդույթի ոգով այն իր բովանդակությամբ հիմնականում մույնացվում է գոյություն ունեցող բուրժուական հասարակության հետ, թեւ վերջինս գնահատվել ու իմաստասիրվել է տարբեր չափանիշներով՝ որպես առաջադիմություն կամ հետադիմություն, մարդկայինի չափանիշներին համապատասխանող հասարակական կազմակերպման ու գոյության արտահայտություն: Այսպես, ըստ Մամուրյանի՝ «քաղաքակրթություն ըսվածն» որ բարոյական, գիտական, արվեստագիտական, ճարտարական զանազան ճյուղերու մեջ առնված առաջադեմ քայլերու զումարն է, որոշ չափ ու սահման չունի, քանի որ մարդկային զարգացման ասպարեզն անչափ ու անսահման է»¹:

Գրեթե մույն կողմնորոշվածությամբ, Պերպերյանը նշում է՝ «Մի ժողովուրդն մեջ այնքան ավելի քաղաքակրթություն կա, որչափ գուր կա. սերն գերագույն յաղթանակն է քաղաքակրթութեան. մարդիկ՝ եղբայր, ահա իդեալն փիլիսոփայութեան: յարն պարտի ընթանալ քաղաքակրթությունն, եթե չուզէ վերստին ի բարբարոսություն ընթանալ դառնալ»²:

Այս երկու քաղվածքը հնարավորություն են տալիս պնդելու, որ հայ մտածողները քաղաքակրթության հետ կապում են որոշակի ընդգծված արժեքային ու մարդաբանական յուրահատկություն: Այսպիսով արտահայտվում էր նաեւ նրանց գաղափարական ընդհանրությունը Ռուսոյի, Կանտի, Տոլստոյի եւ այլ հումանիստների հետ: Նման մոտեցումը որոշ տարբերություններով հանդերձ բնորոշ է նաեւ այլ մտածողների: Հատկանշականը այն է, որ հայ տեսական մտքի մեջ քաղաքակրթությունը ըմբռնվում է ոչ միանշանակ ձեւով: Այսպես, Կոստանդյանը, որին հատկապես բնորոշ է խնդրի իմաստավորման պոզիտիվիստական հայեցակարգը, մարդկային մտքի, հասարակական, տնտեսական կյանքի ողջ առաջադիմական ընթացքը կապում է հենց բուրժուական հասարակարգի բերած քաղաքակրթության հետ՝ պատմության դրական շրջանի հետ: «Քաղաքակրթությունը ընդհանրապես երկրաչափական հառաջադիմությամբ կը քայլե եւ անոր սկզբնական ընթացքը՝ հիմա մեզի համար անբերականայելի կերպով համը բան մ'է... Մարդս այն ատեն սկսավ յուր արժեքը գիտնալ՝ երբ գիտական համոզումները եւ էնդյուստրիին եկան՝ խղճի հանգստություն, նյութական բարօրություն ու ասով իսկ ընկերային բարոյականություն բերելու»³:

Ինչպես տեսնում ենք, Կոստանդյանի պնդումը ուղղակի է՝ բուրժուական քաղաքակրթությունը անառարկելի առաջադիմություն ու արժեք է նյութական, արդյունաբերական ու հոգեբանական առումներով: Նոր կամ դրական քաղաքակրթության այսպիսի ջատագովությունը Կոստանդյանը փորձում է հիմնավորել նաեւ մարդաբանական տեսակետից: Մարդագիտության ընդհանուր հաջողությունները նա դարձյալ փորձում է բացատրել այդ քաղաքակրթության մեջ ձեւավորված գիտական նոր մեթոդի ընձեռած հնարավորություններով՝ ներքինից, ենթակայականից դեպի արտաքինը, առարկայականը ուղղված միավածությամբ: «Մարդս այն ատեն սկսավ լուսավորվիլ, երբ յուր ներքին ինքնակալ յույսը թողուց ու զննելի, շոշափելի, զգալի առարկաներու դիմեց՝ յուր հարցումները ուղղելու: Խղճի, ուղեղի, մտքի, ջղերու ուսումը իսկ, որ մեր անձին, մեր եսին կը վերաբերի,

¹ Հր. Աճառյան, Հայոց Անճանաչման քառարան, հ. Բ, Երևան, 1944, էջ 201:

² Նույնը, էջ 199:

¹ Մամուրյան Մ., Հառաջադիմության գործակներ, «Արեւելյան մամուլ», 1897, թիվ 18, էջ 602:

² Պերպերյան Ռ., Բանախոսությունը, Կ. Պոլիս, 1880, էջ 33:

³ Կոստանդյան Գ., Մեթոդի վրա, Երևան, 1961, էջ 160-161, տես նաեւ էջ 178-182: